

## **Samostalni istraživački rad – Historija prava BiH (vanredni studenti)**

Samostalni istraživački rad iz predmeta Historija prava BiH nosi 20 od ukupno 100 bodova na predmetu. Radi se o opcionom zadatku – studenti koji ne žele raditi rad, nisu ga dužni prijaviti.

Prijave se vrše putem maila: [t.herenda@pfsa.unsa.ba](mailto:t.herenda@pfsa.unsa.ba). **Rok za prijavu seminarskog rada je 20.03.2025.**

**Tema samostalnog istraživačkog rada za akademsku 2024/2025. godinu je "Primjena šerijatskog prava u BiH nakon 1878"** Nakon odlaska Osmanskog carstva bosanski muslimani našli su se po prvi put pod vlašću nemuslimana. S namjerom poštivanja njihove vjerske autonomije, Austrougarske vlasti dopustile su rješavanje privatnopravnih sporova muslimana u BiH prema šerijatskim propisima, i u tu svrhu osnovale posebne sudove i škole. Zadatak studenta je da prikaže okolnosti nastanka ovog posebnog pravnog sistema, te okolnosti njegovog funkcionisanja u okviru država u kojima se BiH našla do 1946. godine.

### **Tehničke propozicije:**

Samostalni istraživački rad iznosi ukupno 6 stranice, od čega maksimalno 1 stranica može biti izdvojena za uvod i zaključak, odnosno 5 stranica odnose se na meritorna razmatranja/razradu teme.

Font: Times New Roman, 12 pt.

Spacing/prored: 1,15

Margine: normal (2,54 cm)

Reference/navođenje izvora: u fusnotama, veličina fonta 10. Stil citiranja, Chicago Manual of Style (vidi više na: <https://www.citationmachine.net/chicago>)

Kandidati su obavezni citirati svako preuzimanje tuđih ideja, koncepata ili podataka. Nisu dužni navoditi reference/citirati ukoliko se radi o podacima koji spadaju pod opće znanje ili dobro ustanovljene teorije i koncepte. **Svako korištenje tuđih ideja, koncepata ili podataka mora biti označeno fusnotom.**

Prilikom korištenja izvora vodite računa o tome da Vaši izvori trebaju biti autoritativni, tj. osoba/osobe koje stoje iza određenog izvora trebaju biti prepoznati autoriteti u datoj oblasti. Anonimizirani izvori (kao npr. Wikipedia) nisu relevantni za ovaj rad. Potrebno je navesti minimalno 5 izvora. U izvore se neće ubrajati fakultetski udžbenici.

### **Kriteriji za bodovanje:**

Jezik i stil, kvaliteta argumenata, kvalitet izvora: 0-10 boda

Tehničke propozicije: 0-2 boda. Eventualna značajnija kršenja tehničkih propozicija mogu biti sankcionisana oduzimanjem bodova iz drugih rubrika.

Odbrana rada/razgovor o radu: 0-8 boda. Ukoliko se tokom odbrane ustanovi da kandidat\_kinja ne vlada temom, to može rezultirati oduzimanjem bodova iz drugih rubrika. Prilikom rada očekuje se da kandidat\_kinja vlada svim navodima iz svog rada (odbrani pristupate bez štampanog primjerka), kao i informacijama o tom periodu koje se mogu smatrati za opće znanje o tom periodu.

Ukoliko prilikom pregledanja rada ili usmene odbrane bude ustanovljeno da je rad plagiran,<sup>1</sup> kandidat\_kinja ostvaruje 0 bodova.

Pored redovnih konsultacija generalne prirode na koje kandidati\_kinje imaju pravo, kandidati\_kinje imaju pravo poslati **do 2 stranice teksta na uvid i pregled, do 03.05.2025.**, popraćenu sa manjim brojem konkretnih upita/molbi za razjašnjenjem.

U izradi rada kandidati\_kinje samostalno pronalaze literaturu.

**Krajnji rok za dostavu završenog samostalnog istraživačkog rada je 10.05.2025, u 00:00 (do kraja dana). Rad dostavljate ISKLJUČIVO kao word file (doc ili docx), na mail adresu [t.herenda@pfsa.unsa.ba](mailto:t.herenda@pfsa.unsa.ba)**

---

<sup>1</sup> Plagijarizam predstavlja korištenje tuđih riječi, ideja ili djela bez odgovarajuće pripisivanja/referiranja, pri čemu se te tuđe sadržaje predstavlja kao vlastite. To uključuje kopiranje i lijepljenje teksta iz izvora bez izmjena, parafraziranje bez citiranja, te bilo kakvo drugo predstavljanje tuđeg rada kao vlastitog.